



## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis, Et Breviarii Romani.**

In quibus origo cuiusque Ritus, causae historicae, vel mysticae, ex maiorum ingenio, Theoria, Praxis, obligatio, & exquisitus vsus, additis opportune Decretis omnibus S. Rituum Congreg. quàm breuissimè explicantur.

**Gavanti, Bartolommeo**

**Venetiis, 1647**

De Defectu intentionis. 7.

**urn:nbn:de:hbz:466:1-9500**

Notanda est hoc loco singularis doctrina *Suar. 3. part. disput. 85. sct. 1. secundo.* quod si contingat defectus essentialis informa, vel in altera, vel in utraque, nempe cum mutatione sensus verborum consecrationis, iteranda est consecratio, ut perficiatur sacrificium; & si contingat id cognosci post sumptionem corporis, vel speciei non rite consecratæ iteranda est item talis consecratio, apposita materia quæ non fuit consecrata, iuxta Rubric. sup. tit. 4. num. 5. & titulo 3. num. 6. quia eadem est ratio inceptæ materialiæ, & materialiæ sine forma. Immo etiam si id contingat fieri ex malitia ministri mutantis formam, vel non habentis intentionem. nihilominus debet post sumptionem sup-

plerre defectum, penitendo de priori culpa quam commisi, reuerenter supplendo, vt dictum est. quod si defectus accidat in utraque specie, & iam utramque sumpsit, non est, quod suppleat; qui sacrificium nullum fuit, sed totum fictum. eo casu nullum est præceptum de faciendo vero sacrificio, neque de supplendo, quod non est incæptum, neque ex parte: & obligat tunc aliud præceptum de non sacrificando, fracto ieiunio.

Porro *S. Tho. q. 78. art. 3. vult*, excepto, enim, omnia verba formarum prædictarum esse de essentia Sacramenti. communior autem antiquorum sententia est, ea non esse. Vide *Suar. disp. 60. sct. 1.*

2. *Si celebrans non recordetur se dixisse ea quæ in consecratione communiter dicuntur, non debet propterea turbari. a Si tamen certo ei constet, se omisisse aliquid eorum quæ sunt de necessitate Sacramenti, id est formam consecrationis, seu partem, resumat ipsam formam, & cetera prosequatur per ordinem. 3 Si vero valde probabiliter dubitat, se aliquid essentiale omisisse, iteret formam saltem sub tacita conditione. 4 Si autem non sunt de necessitate Sacramenti, non resumat, sed procedat ulterius.*

Prima pars est *S. Tho. sup. art. 6. ad 5.* Altera pars est eiusdem ibidem. sed cum hic dicatur resumat ipsam formam: quid resumendum erit? Sane verba ea tantum, quæ supra nu. 1. huius tituli posita sunt, tanquam essentialia formæ, quicquid dicant *Ang. Palud. & Scotus.* ita *Suar. loco citato.* In tertia parte Rub. quæ est communis, eo modo tollitur dubium, & pe-

riculum iterandi consecrationem super materiam consecratam. Quarta pars patet, & confirmat secundam partem huius Rubric. de non resumendo, nisi essentialia formæ.

Cæterum, non est necesse in prolatione formæ, vt sonus verborum attingat Hostiam, vel Calicem. *Suar. disp. 45. sct. 5.*

## Dedefectibus Ministri. VI.

**D**efectus ex parte Ministri, possunt contingere quoad ea quæ in ipso requiruntur. *Hec autem sunt. In primis intentio, deinde Dispositio anima, Dispositio corporalis, Dispositio vestimentorum, Dispositio in ministerio, ipso quoad ea quæ in ipso possunt occurrere.*

Divisio in has quinque species defectuum ea est, vt prima tantum dici-

debeat essentialis, reliquæ accidentales.

## De defectu intentionis. VII.

**S**i quis non intendit confidere, sed delusorie aliquid agere. 2. Item si aliqua Hostia ex obliuione remaneant in Altari, vel aliqua pars vini, vel aliqua Hostia lateat, cum non intendat consecrare nisi quas videt. 3. Item si quis habeat coram se undecim Hostias, & intendat consecrare solum decem, non determinans

L 2 quas

*quas decem intendit: in his casibus non consecrat, quia requiritur intentio. 4 Se-  
cuso, si putans quidem esse decem, tamen omnes voluit consecrare quas coram se ha-  
bebat: nam tunc omnes erunt consecratae: atque ideo quilibet Sacerdos talem semper in-  
tentio habere deberet, scilicet consecrandi eas omnes, quas ante se ad consecran-  
dum positas habet.*

Prima pars sacrilegium enormissimum continet, & si fictionis peneat ante sumptionem, potest resumere formam; non ex vi præcepti perficiendi sacrificium, quod nondum incipit; sed ex vi præcepti non fingendi falsum in hoc ministerio, & consequenter non perseuerandi in fictione, nec sumendi potum, & cibum per modum Sacramenti, quod non est, nec dandi alijs occasionem adorandi

merum panem & vinum. post sumptionem vero ficti Sacramenti seruetur, quod diximus sup. ex *Suar. tit. 5. num. 1.* Altera pars nullam habet difficultatem in *tertia Maior dist. 11. q. 1. Durand. q. 7.* & communiter concordant: quia non est maior ratio, cur ista, vel illa sit consecrata. Quarta pars manifeste sequitur; quia materia est determinata intra terminum intentionis.

*2 Si Sacerdos putans se tenere unam Hostiam post consecrationem inuenierit fuisse duas simul iunctas, in sumptione sumat simul utramque. 2 Quod si deprehendat post sumptionem Corporis & sanguinis, aut etiam post ablutionem, reliquias relietas consecratas, eas sumat, siue paruae sint, siue magnae, quia ad idem sacrificium spectant.*

In prima parte, quæ est *Auctorum pauli supra citat.* ratio ea est, quia ambae sunt consecratae; cum illud, putans, dicat tantum priuatam deceptionem, quæ non tollit intentionem debitam, quæ esse debet, & moraliter est circa hanc præsentem materiam. *Suar. disp. 43. sect. 6.* Secunda pars est *Sotii 4. dist. 12. q. 1. artic. 8.* qui tamen distinguit particulas in parvas, & magnas: atque has vult, in Pixide asseruari; contra quem *Azor. libr. 10. c. 30. quest. 1.* qui cum Rubrica concordat, sub-

lata omni distinctione; ea nimis ratione, quia eæ omnes reliquiae sunt sacrificij. Vnde & addit, sumendas esse statim, alioquin post notabile temporis interuallum elapsum, censetur sacrificium absolutum, & proinde particulae non sumerentur, ut reliquiae, sed per se, quod facere non licet.

\* *Tabienna concedit absolute V. Missa num. 42.* eas posse sumi, & sumendas esse, nulla habita distinctione reliquiarum, neque temporis, dummodo pertineant ad eandem Missam.

*3 Si vero reliqua sit Hostia integra consecrata, eam in tabernaculo cum alijs reponat: si hoc fieri nequit, sequenti Sacerdoti ibi celebraturo, in Altari supra Corporale decenter opertam, sumendam unam cum altera quam est consecratus, relinquat; vel si neutrum horum fieri possit in ipso Calice seu Patena decenter conservet, quousque vel in tabernaculo reponatur, vel ab altero sumatur: quod si non habeat quomodo honeste conservetur, potest eam ipsem sumere.*

Est casus euentu difficilis; si tamen accidat, optime Rubrica docet, sequuta So-

tum de particulis magnis referuandis, ut supra.

*4 Si intentio non sit actualis in ipsa consecratione propter euagationem mentis, sed virtualis, cum accedens ad Altare intendat facere quod facit Ecclesia, conficitur Sacramentum, et si curare debet Sacerdos, ut etiam actualem intentionem adhibeat.*

Quod

Quod hic dicitur de ordinaria materia consecranda in Missa, intellige etiam, quando plures particulae ponuntur a celebrante super Altare, ut consecrantur, & in actuali consecratione non recordatur illarum Sacerdos, sed eius tantum, quam in manibus habet. tunc enim omnes sunt consecratae, *Angel. in verbo Eu-char. num. 27. Nauar. cap. 25. num. 91.* Debent tamen esse praesentes intra Aram, non extra eam, inquit *Suarez disput. 43. sect. 6.* alias non estimaret illas consecratae esse; sicut etiam existimat, id totum in Calice consecratum esse, quod per modum continui in eo continentur guttae vero, quæ sunt extra Calicem, aut intra, sed separatae à toto, verisimilius putat, quod non sint consecratae, neque inten-

tione virtuali intentæ. & eo magis. Sed in casu, quo ponantur particulae non consecratae, vbi aliae sunt consecratae, erunt item eadem consecratae post verba consecrationis, iuxta placitum Posseuin. de offic. Curat. cap. 2. num. 20. erunt consecratae particulae positæ in Pixide, vbi aliae adiungunt alias consecratae, iuxta placitum Posseuin. de Officio Curati capit. 2. num. 20. quod tamen prohiberem fieri. certe, si fiat, genuflexiones plures addenda erunt ab Offertorio ad Communione; neque circulus perficiendus erit, ad *Orate fratres*, propter consecratas particulas in illa Pixide.

Item, si Pixis non aperitur, tempore consecrationis, ex obliuione, sit tamen consecratio, ex *Suar. disp. 43. sect. 5.*

## De defectibus dispositionis animæ. VI II.

**I** *Si quis suspensus, excommunicatus, degradatus, irregularis, vel alias canonice impeditus celebret: conficit quidem Sacramentum, sed gravissime peccat, tam propter Communionem quam indignè sumit, quam propter executionem Ordinum, quæ sibi erat interdicta.*

Nota, quod valor ille Missæ, qui est ex parte precum Ecclesiæ, omnino perditur, ex *S. Thom. q. 82. art. 7. ad 3.* quia Ecclesia non intendit orare nomine suo, ore præcificorum ab ea, per excommunicationem

notoriam. Fusius *Suar. disput. 77. sect. 2.* quod si immineat mortis infamia, aut scandali periculum, poterunt prædicti cum contritione celebriare, *Azor. lib. 10. capit. 31. quest. 6.*

2. *Si quis habens copiam Confessoris celebret in peccato mortali, graviter peccat.*
3. *Si quis autem in casu necessitatis non habens copiam Confessoris, in peccato mortali absque contritione celebret, graviter peccat. Secus si conteratur: debet tamen, cum primum poterit, confiteri.*
4. *Si in ipsa celebratione Missæ Sacerdos recordetur se esse in peccato mortali, conteratur cum proposito confitendi, & satisfaciendi.*
5. *Si recordetur se esse excommunicatum, vel suspensum, aut locum esse interdictum: similiter conteratur cum proposito petendi absolutionem. Ante consecrationem autem in supradictis casibus, si non timetur scandalum, debet Missam incuptam deferere.*

Supradicta fundantur in verbis Sancti Pauli 1. Corint. 11. Probet autem seipsum & in Decretis Concil. Trident. disp. 63. sect. 3. nam Concil. Trident. po-

nit duas circumstantias, quæ debent currere, ut liceat celebrare sine Confessione. *Necessitate, inquit, urgente, & missa. 13. cap. 4. & can. 11. lege Suar. 3. parte*

*do dicit copia Confessoris.*

Necessitas urgens in his casibus erit

Gauant. Rubr. Miss.

L 3 primo